




Хоким ҳукмдор эмас

3



Кечиримлилиқ — халқимизга хос фазилат

4



Талон-тарож этилган давлат мулки

7



Бир-бирига ўхшаш «ЭГИЗАК» жавоблар

8



№46-47  
2019-йил, 11-июн  
Seshanba (32.537)

Ijtimoiy-siyosiy gazeta  
1918-yil 21-iyundan chiqq boshlagan

Улуғлардан улуғимсан, Ватаним!

# O'zbekiston OVOZI

## ШАВКАТ МИРЗИЁЕВ ЕТТБ ПРЕЗИДЕНТИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 10 июнь куні Европа тикланиш ва тараққийёт банки президенти Сума Чакрабарти бошчилигидаги делегацияни қабул қилди.

Давлатимиз раҳбари меҳмонларни самимий қутлар экан, Ўзбекистон билан Европа тикланиш ва тараққийёт банки ўртасидаги шериклик муносабатлари изчил ривожланиб, ўзаро манфаатли ҳамкорлик жадаллашаётганини мамнуният билан қайд этди.

Охири икки йилда ушбу нуфузли халқаро молиявий институт раҳбари мамлакатимизга учинчи бор таширф билан келгани ўзаро алмашинувлар фаоллашганидан далolat беради. Утган йил октябрь ойида банкнинг Ўзбекистон бўйича мамлакат стратегияси қабул қилинди. ЕТТБ экспертлари кўмагида энергетика, банк ва молия соҳалари, капитал бозорини ривожлантириш ва мамлакатимизда рақобат муҳитини яхшилаш бўйича ислохотлар ишлаб чиқилмоқда ва амалга оширилмоқда.

Қўша лойиҳалар портфели кенгаймоқда. Заём келишувлари имзоланиб, қиймати жами 600 миллион доллардан зиёд кредит маблағларини жалб этган ҳолда мамлакатимиз ҳудудларида энергетик ва коммунал инфратузилмани модернизация қилиш бўйича устувор инвестиция лойиҳалари тайёрланмоқда. Хусусий сектор лойиҳаларига 100 миллион доллардан зиёд инвестиция киритилди.

Бундан ташқари, умумий қиймати 800 миллион долларга яқин бўлган иқтимоий аҳамиятта молик истиқболли дастур ва лойиҳалар ишлаб чиқилмоқда.

ЕТТБнинг Тошкент шаҳридаги ваколатхонаси фаол ишламоқда, унинг Андижон шаҳрида ва мамлакатимизнинг бошқа ҳудудларида филиалларини очиб режалаштирилган.

Учрашувда амалий ҳамкорликни ривожлантиришнинг асосий йўналишлари, жумладан, мамлакатимизда инвестиция лойиҳаларини ва кредитларни ўзлаштиришни тезлаштириш, иқтисодий ислохотларни амалга оширишга, қўлай ишбилармонлик ва инвестиция муҳитини шакллантиришга кўрсатилаётган кўмакни кенгайтириш масалалари батафсил кўриб чиқилди.

Ўзбекистон Республикаси Президенти ҳузурда Хорижий инвесторлар кенгашини ташкил этиш ва унинг биринчи мажлисига тайёрларлик кўриш масалаларига алоҳида эътибор қаратилди.

ЕТТБ раҳбари самимий қабул учун Президентимизга миннатдорлик билдириб, мамлакатимизда амалга оширилаётган иқтимоий-иқтисодий ислохотларнинг суръати, кўлами ва амалий натижаларини юксак баҳоллади.

Сума Чакрабарти Европа тикланиш ва тараққийёт банки Ўзбекистон Республикаси билан кўп қиррали шерикликни ҳар томонлама қўллаб-қувватлаш ва давом эттириш борасида қатъий эканини таъкидлади.

ЎЗА

## ЎЗБЕКИСТОН ПРЕЗИДЕНТИНИНГ ҚОЗОҒИСТОН ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА

Ўзбекистон Республикаси Президенти Шавкат Мирзиёев 10 июнь куні Қозоғистон Республикаси Президенти Қосим-Жомарт Тоқаев билан телефон орқали мулоқот қилди.

Субҳат аввалида давлатимиз раҳбари Қосим-Жомарт Тоқаевни кеча бўлиб ўтган Қозоғистон Президенти сайловида ишончли галабага эришгани билан самимий табриклади.

Сайлов натижалари Қозоғистон халқи Қосим-Жомарт Тоқаевни кенг қўллаб-қувватлаши ва унга улкан ишонч билдиришини, унинг мамлакат барқарор тараққийётга ва халқаро нуфузини оширишга ҳиссасини юксак баҳолашини яна бир бор намойиш этгани, амалга оширилаётган сиёсат ва энг муҳим иқтимоий-иқтисодий ислохотларнинг изчил давом эттирилишига қатъий ишончнинг ифодаси бўлгани алоҳида таъкидланди.

Қозоғистон Президентининг жорий йил апрель ойидаги Ўзбекистонга илк давлат таширфи дўстлик, яхши қўшничилик ва стратегик шериклик муносабатларини мустаҳкамлашга ўзаро интилишнинг тасдиғи бўлиб, икки томонлама ҳамкорлик ривожига янги суръат бағишлагани қайд этилди.

Субҳат чоғида Шавкат Мирзиёев ва Қосим-Жомарт Тоқаев Ўзбекистон билан Қозоғистон ўртасидаги ҳамкорликка доир, шунингдек, минтақавий ва халқаро аҳамиятта молик долзарб масалаларни муҳокама қилдилар.

Келгусида, жумладан, халқаро ташкилотлар тадбирлари доирасида бўлажак олий даражадаги учрашувлар режаси ҳам кўриб чиқилди.

Президентлар Ўзбекистон ва Қозоғистон ўртасидаги стратегик шериклик ва кўп қиррали ҳамкорлик муносабатларини изчил ривожлантириш ва мустаҳкамлаш устувор аҳамиятта эга эканини яна бир бор таъкидладилар.

ЎЗА



## ПРЕЗИДЕНТДАН РАМАЗОН ТУҲФАСИ

Инсон ўз уйига эга бўлмагунча, чин ҳаловат нималигини билмайди. Уйли-жойли бўлиш — ҳар бир одамга шахс сифатида улғайиш, ҳар бир оила учун эса соғлом муҳит яратиш имконияти дегани. Бошқача айтганда, уйи бор инсон чин маънода озодлика эришади, у энди майда ташвишлардан баландроқ орзу-мақсадлар сари интилади. Зотан, инсоннинг ҳаётга интилишини, жамиятга, давлатга ва келажакка ишончини мустаҳкамлайдиган бирламчи омил ҳам, ҳар бир оиланинг энг гўзал хотиралари ҳам айнан уй-жой билан боғлиқдир.

Айниқса, бир инсоннинг, бир оиланинг Тошкент шаҳрида ўз

уй-жойига эга бўлиши — жуда катта воқеа. Бунинг учун бир инсон неча йиллар давомида тинмай ишлаши, рўзгоридан ортириб, маблағ жамғариши лозим. Чунки пойтахт ўз номи билан пойтахт-да. Бу ерда, табиийки, мамлакатимизнинг бошқа ҳудудларига нисбатан уй-жой нархи анчайин баланд. Боз устига шу йирик мегаполисининг ўзида муқим бошпанали бўлишни истаганлар кўп.

Давоми 4-бетда. ▶

### ҲУДУДИЙ ПАРТИЯ КЕНГАШЛАРИДА

## БЕШ ТАШАББУС БЎЙИЧА ФОРУМ

Ўзбекистон ХДП Хоразм вилоят кенгаши томонидан «Эзгу ғоядан — эзгу мақсад сари!» шиори остида ўтказилган «Беш ташаббус — беш имкон!» номли 5 йўналишни ўз ичига олган ёшлар форуми Гулҳаё ва Махлиёга ўхшаган истеъдодли ёшлар учун яна бир имконият эшигини очиб берди.

5

### МУНОСАБАТ, МУЛОҲАЗА

## ПРЕЗИДЕНТ БИЗНИ АФВ ЭТДИ

Бу меҳр-мурувват масъулиятини юрак-юрагимиздан ҳис этиб турибмиз, дейишмоқда афв этилганлар



5

### Ўзбекистон Республикаси Марказий банки ахбороти

Ўзбекистон Республикаси Марказий банки 2019 йил 11 июндан бошлаб валюта операциялари бўйича бухгалтерия ҳисоби, статистика ва бошқа ҳисоботларни юритиш, шунингдек, божхона ва бошқа мажбурий тўловлари учун хорижий валюталарнинг сўмга нисбатан қўйидаги қийматини белгилади.\*

1 АҚШ доллари	8518,68	1 Қувайт динори	28054,27	1 Миср фунти	509,80
1 ЕВРО	9652,52	1 Малайзия рингити	2049,24	1 Австралия доллари	5961,37
1 Россия рубли	131,33	1 Хитой юани	1233,57	1 Туркия лираси	1461,18
1 Англия фунт стерлини	10847,69	1 Сингапур доллари	6253,62	1 СДР	11784,83
1 Япония иенаси	78,75	1 Швейцария франки	8625,64	1 Канада доллари	6421,92
1 Жанубий Корея воғи	7,21	1 БАА дирҳами	2319,46	1 Украина гривнаси	318,46

\* Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмага.

Давоми 2-бетда. ▶

## Ўзбекистон Республикаси Президентининг ҚАРОРИ ЎЗБЕКИСТОН РЕСПУБЛИКАСИ АҲОЛИСИГА АХБОРОТ-КУТУБХОНА ХИЗМАТИ КЎРСАТИШНИ ЯНАДА ТАКОМИЛЛАШТИРИШ ТЎҒРИСИДА

Республикада иқтимоий-иқтисодий соҳани ислох қилишнинг ҳозирги шароитида ахборот-кутубхона фаолиятини ривожлантиришнинг мақсад ва вазифалари мамлакатда амалга оширилаётган ўзгаришларга ва халқаро амалиётга мос бўлиши зарур. Шу муносабат билан фуқароларнинг ахборотдан эркин фойдаланиш бўйича конституциявий ҳуқуқларини, шу жумладан, миллий кадрлар ва жаҳон маданияти, амалий ва фундаментал билимлардан баҳраманд бўлишни таъминлайдиган аҳолига ахборот-кутубхона хизматлари кўрсатишнинг сифат жиҳатдан янги тизимини яратиш, кутубхоналарда сақланаётган миллий маданий меросни асраб-авайлаш ва бойитиш, ахборот-коммуникация технологияларини кенг жорий этиш ҳисобида ахборот-кутубхона муассасалари фаолиятини ташкил этишни такомиллаштириш устувор вазифага айланмоқда.

Бу эса ахборот-кутубхона фаолиятига, кутубхоналарга хизмат кўрсатиш, фондларни тўлдириш ва сақлаш, кутубхона жараёнларини автоматлаштириш, илмий-тадқиқот ва ташкилий-услубий фаолият, кадрларни тайёрлаш, қайта тайёрлаш ва рағбатлантириш, халқаро ҳамкорликни кенгайтиришга жиддий таъсир кўрсатиш имконини беради.

Аҳолига ахборот-кутубхона хизмати кўрсатиши янада такомиллаштириш, ахборот-кутубхона муассасалари фаолиятини ривожлантириш мақсадида:

1. Қўйидагилар аҳолига ахборот-кутубхона хизмати кўрсатиши сифат жиҳатидан янада ривожлантириш соҳасидаги асосий вазифалар этиб белгилансин:

ахборот-коммуникация технологияларининг ривожланиши ва замонавий умумжаҳон тенденцияларини ҳисобга олган ҳолда ахборот-кутубхона фаолиятини ислох қилиш;

аҳолига ахборот-кутубхона хизматлари кўрсатиш бўйича иқтимоий қафолларни сифатли таъминлаш ҳамда замонавий талабларни ҳисобга олган ҳолда ахборот-кутубхона муассасаларини ривожлантириш мақсадида норматив-ҳуқуқий базани такомиллаштириш;

ҳудудларда аҳолига ахборот-кутубхона хизматлари кўрсатиши барқарор ривожлантиришга кўмаклашиш;

ахборот-кутубхона муассасаларининг моддий-техника базасини мустаҳкамлаш, шу жумладан, янги бино ва иншоотларни қуриш, мавжуд биноларни реконструкция қилиш, уларни замонавий ускуналар билан таъминлаш;

кутубхона соҳасида давлат-хусусий шериклини, хусусий ва электрон (виртуал) кутубхоналар тармоғини ривожлантириш;

кутубхоналар фаолиятининг самарадорлигини ва фойдаланувчиларга хизмат кўрсатиш (шу жумладан, пуллик хизмат кўрсатиш) тезкорлигини ошириш учун электрон китоблар тарқатишга ихтисослашган интернет-ресурслар билан ҳамкорликни кенгайтириш;

ахборот-кутубхона муассасалари хавфсизлигини ҳамда миллий ва жаҳон маданий меросининг бир қисми сифатида ахборот-кутубхона фондларининг яхши сақланишини таъминлаш;

жамиятнинг ахборот маданиятини, тарихимизга ва миллий маданиятга қизиқишини шакллантириш ва кучайтириш, мутлола маданиятини ошириш ва тарғиб қилиш;

ахборот-кутубхона муассасаларини малакали мутахассислар билан таъминлаш.

2. Қўйидагилар:

а) 2019-2024 йилларда Ўзбекистон Республикасида ахборот-кутубхона соҳасини ривожлантириш концепцияси 1-иловага мувофиқ;

б) 2019-2024 йилларда Ўзбекистон Республикасида ахборот-кутубхона соҳасини ривожлантириш бўйича чора-тадбирлар дастури 2-иловага мувофиқ;

в) Алишер Навоий номидаги Ўзбекистон Миллий кутубхонаси — ахборот-ресурс марказининг ташкилий тузилмаси 3-иловага мувофиқ;

г) Алишер Навоий номидаги Ўзбекистон Миллий кутубхонаси — ахборот-ресурс марказининг (кейинги ўринларда — Миллий кутубхона) ходимлар умумий чекланган сони 227 нафардан иборат бошқарув аппарати тузилмаси 4-иловага мувофиқ тасдиқлансин.

Миллий кутубхона директори зарур ҳолларда Миллий кутубхона бошқарув аппарати тузилмасига ходимларнинг белгиланган умумий сони ва меҳнатга ҳақ тўлаш фонди доирасида ўзгартиришлар киритиш ҳуқуқи берилсин.







# Ҳеч бир адолатли жамият, демократик жамият ўз фуқаролари қамоқда ётишидан манфаатдор эмас.

### МУНОСАБАТ, МУЛОҲАЗА

**Оқибатини ўйламай қадам ташладингми?.. Етти ўлчаб, бир кесмадингми, жаҳл келганда, ақлинг кетди?.. Ўзингни жиловлаб ололмадингми?.. Шайтон йўлдан урди?..**  
**Жиноятга қўл урдинг... Жиноят жазосиз қолмади, қўлга тушдинг, судландинг, қамалдинг..**

Ота-онанг дод, деб ортингдан чопди, жиноят қилганинга ишонмади... Ишонса-да, сени қамоқдан олиб қилиш учун елиб-югурди, ўзини тўрт томонга урди... Кимларга ялинмади, кимлар олди-да елка қисмади, тиз чўкмади... юрак-бағри қон бўлиб, қадди букилиб қолди. Сени тоғдек суянчиқ, деб билган аҳли аёлинг — ёстикдошинг бир қанотидан айрилган ярадор кўшдек бўлиб қолди. Жондан азиз фарзандларинг-чи? Улар ҳоли не кечганини биласанми?.. Улар қўзлари тўла ёш билан жавдираб аёлинг қўлида қолди. Аёлинг эса ё ишсиз, ё топгани рўзгорга етмайди. Сени ўйлаб бир қулса, болаларинг кўзига қараб ўн қуяди. Узини ўққа-чўққа уриб, уларни боқиши мумкин. Аммо ота ўрнида ота бўлолмайди. Худо кўрсатмасин, мабодо она қамалган бўлса, ота ҳам она ўрнини босолмайди. Болага ота керак, она керак. Ота тарбияси, меҳри керак. Она тарбияси, меҳри керак. Отаси ёки онаси қамоқда ётган боланинг руҳий ҳолатини тасаввур қилиб кўринг. Узини камситилгандай, айбдордек сезади. Худдики ҳамма унга қараб тургандек, уни муҳокама қилаётгандек, кесатаётгандек туюлади...

хоҳ қиз бўлсин, эгри йўлга кириб кетиши мумкин, кейин уни тўғри йўлга қайтариш жуда мушкул бўлади. Бола бахтсиз бўлиб қолади. Сиз қамоқда руҳан эзilib кун ўтказасиз. Лекин аёлингиз сиздан кўра кўпроқ азоб чекади, болаларингиз гагингиз чехрасига, ёш милтиллаган кўзларига ҳар кун қараш унга қанчалик оғирлигини биласизми?..  
 Бу ҳақда ўйлаб кўрганмисиз, фарзандлар тақдири ҳақида нега қайғурмаганиз?  
 Нима учун жиноятга қўл урдингиз, нега кимнингдир гапига кирдингиз? Шунчалик гўлмидингиз? Ҳаром йўл билан топилган пул буюрмаслиги, яхшиликка олиб келмаслигини билмасмидингиз? Бундан кўра оч қолган яхши эмасмиди? Қай бирингиз ёт ёғлар, хом-хаёларга берилдингиз? Чаласавод, чаламулла бир ярамаснинг гапига кириб, ота-она, бола-чақани қақшатиб кетдингизми? Бугун қамоқда ётибсиз, ўйламай қилган жиноятингиз учун жазони оляпсиз.  
 Бошингиз деворга тегиб, энди кўзингиз очилляпти. Энди хатоларни тушуниб етаяпсиз, болаларни, оилани ўйлаясиз. Озодлик қадрини билаяпсиз. Ўз уйингизда, оилангизда бўлиш бебаҳо бахтлигини англаясиз. Қилган жиноятингиз учун ич-ичингиздан тавабазарру қилаясиз, болаларингиз, оилангиз, ота-онангизни ўйлаб, изтироб чекаясиз, ҳар кун хаёлан улардан кечирим сўраяпсиз. Қамоқда ётганларга ота-она тобунини кўтариш, қабрига бир ҳовуч тупроқ ташлаш ҳам насиб етмаган ҳолатлар бўлган. Бу қандай кўрғулик, қандай бахтсизликки, фарзанд бўлиб ота-онани сўнгги йўлга кузата олмас, ота-она уни не-не орзу-хаваслар билан воёга етказган эди-я...  
 Шуларни ўйлаб, ота-онангизнинг тани-сикатлиқ, узоқ умр тилаяпсиз, оилангиз, фарзандларингизни Яратган ўз панохда асрашини илтиқ қилиб сўраяпсиз. Жазо муқддатини ўтаб, улар бағрига қайтиш насиб этишини ўйлаясиз. Уйлаясиз, уйлаганингиз сари азобланаёпсиз, чунки яна икки-уч йил бор, эҳтимол, ундан ҳам кўпроқ муқддат ўтириш керақдир. Содир этган жиноятингиз учун чин дилдан пушай-



## Президент бизни афв этди

*Бу меҳр-мурувват масъулиятини юрак-юрагимиздан ҳис этиб турибмиз, дейишмоқда афв этилганлар*

мон бўлиб, ёзган аризаларингиз инобатта олинишига ҳам унчалик ишонмайсиз. Жиноятчини ким кечиради, деб ўйлаясиз...  
 Бироқ сизнинг ҳаётингиз, фарзандларингиз тақдири учун давлат ташвиш тортаётганини билмайсиз, Президент қайғурётганини билмайсиз. Ҳеч бир адолатли жамият, демократик жамият ўз фуқаролари қамоқда ётишидан манфаатдор эмас. Бундан манлақатимизда ҳам инсон тақдирига нисбатан афв, қайғуриш, уларга ҳақ бўлишига қаратаётганини билмайсиз. Шу боис, сиз учун қутилмаганда, аслида кўпчилик учун қутилмаганда Президент жазо муқддатини ўтаётган, қилмишига чин қўнгилдан пушаймон бўлган ва тузалаш йўлига қатъий ўтган бир гуруҳ шахсларни афв этиш тўғрисидаги фармонни имзолади. Бу фармон муборак Рамазон ҳайити арафасида эълон қилингани замирида

ҳам катта маъно-мазмун мужасам. Оддий қилиб айтганда, халқимизнинг олижаноб фазилатлари, мамлақатимизда, инсон тақдирига муносабатнинг намоёиши бўлди. Уйлаб кўринг, ақин ўтмишида қамалган кетганлар оқланармиди, афв этилармиди? Тўғри, амнистиялар қўлланиларди. Аммо оқланш, афв этилиш бугунги куннинг, сиёсатнинг инъоми.  
 Ҳозир бир вақтлар беғубоҳ қилиб қўйиб, оқланган, оқланмаган ҳам, ақилли ҳам, ақилсиз ҳам бўлишмоқда. Иккинчидан, чин дилдан пушаймон бўлган, тўғри йўлга кирган ёки саломатлигида муаммоси борлар, айниқса, аёллар аризалари судлар томонидан қўриб чиқилиб, муқддатидан илгари озодликка чиқарилмоқда. Бу ишлар изчил олиб борилмоқда. Бу ишларни бундан 4-5 йил илгари тасаввур ҳам қилиб бўлмасди. Бу ўзгаришлар мамла-

қатда сиёсат ўзгаргани, давлат ўз фуқароларига ўзиники, деб қараб қайғурётгани, меҳр-мурувват кўрсатаётгани ва қадраётганини билдиради.  
 Президентнинг 575 нафар маҳбусни афв этиш тўғрисидаги фармони мазмун-моҳиятига эътибор беринг, ўйланг, 575 нафар маҳбус — 575 нафар жон, шунча тақдир...  
 Улардан 361 нафари жазодан озод қилиниб, оқланди, фарзандлари, ота-онаси бағрига қайтди. 214 нафарининг эса озодликдан маҳрум этиш жазо муқддатлари қисқартирилмоқда.  
 Улар ортида қанча ота-она, оила, фарзандлар борлигини ҳисобга олиб, ҳулоса чиқарайлик. Бугун уларга марҳамат кўрсатилди, меҳр-мурувват кўрсатилди.  
 Бошқачароқ айтганда, рўзани Рамазон кунлари, Рамазон ҳайити

**Афв этиш — мамлақатимиз ижтимоий-сиёсий, маънавий ҳаётида муҳим воқеа. Аммо унда қайд этилган вазифалар ижросини таъминлаш ундан-да муҳимдир. 575 инсон — бу 575 минг масала дегани.**

арафасида Лайлатул-қадр келди, ажойиб хушбахтар келди, ҳаётбахш садо келди. Маҳкумлиқдаги одам учун бундан ширин, бундан азиз, қиммат сўз йўқ дунёда. Улар учун тонг отгандай бўлди. Қуёш чиққандай бўлди. Оилаларга шодлик қайтди, ор қайтди. Болалар учун ота қайтди, она қайтди, бахт қайтди, қанот қайтди, тоғ қайтди, ғурур қайтди...  
 Бу чексиз қувончу шодлиқлар афвнинг қаромати, қудрати, саодатидир. Афв дегани, аввало, ишонч дегани, Президентнинг ишончи дегани. Бунинг масъулияти жуда катта. Бу ишончни оқлаш, унга муносиб бўлиш инсоний бурч. Афв дегани — меҳр-мурувват дегани. Оғир кунингизда сенга кўрсатилган меҳр ва мурувватга муносиб жавоб бермоқ керак. Яхшиликнинг жавоби фақат яхшилик бўлмоғи керак, дейилади улуг болаларимиз ўғитларида. Афв дегани, имкон дегани, тўғри йўлга қайтиб, ҳаётнинг, оиланинг, фарзандларнинг қадрига етиб яшаш учун берилган имкон дегани. Киши бир марта афв этилади, унга бир марта ишонч, имкон берилади. Бунинг қадрига етган тўғри ҳулоса чиқаради, бахтли бўлади. Қандай ҳулоса чиқариш ҳар кимнинг ўзига боғлиқ, ҳар кимнинг тақдири ўз қўлида.  
 Аммо яна бир афв этилиш, афв этиш — мамлақатимиз ижтимоий-сиёсий, маънавий ҳаётида муҳим воқеа. Аммо унда қайд этилган вазифалар ижросини таъминлаш ундан-да муҳимдир. 575 инсон масаласи афв этиш билан тўла ҳал бўлиб қолмайди. 575 инсон — бу 575 минг масала дегани. Ҳаётга қайта мослаштириш, уй-жой муаммоси бўлса, ҳал этиш, ишга жойлаштириш каби юмушларни амалга ошириш керак. Маҳалла кўй, кўни-қушни уларга эътиборли бўлиши, бегона кўз билан қарамаслиги, уларни ёлғизлатиб қўямаслиги муҳим аҳамиятга эга.  
 Ҳар қандай қарорнинг ижроси, тақдирини жамоатчилик назорати бағлиқлигини бугун кўпроқ тан оляпмиз, чуқурроқ англаб бораёلمиз. Буйруқлардан, дағдалардан кўра, жамоатчилик назоратининг таъсир кучи кўп

баробар юқорилигини тушуниб бораёلمиз. Жамоатчилик назоратининг энг самарали воситаси, шак-шубҳасиз, матбуот ва оммавий ахборот воситаларидир. Фармон ижросини таъминлаш бўйича масъул вазирликлар, идоралар ва ҳокимликларга тегишли топшириқлар берилган. Бу топшириқлар қандай бажарилаётганидан жамоатчиликнинг кенг хабардор қилиб бориш журналистлар зиммасидаги масъулиятли вазифадир. Хабардорлик очилишни таъминлайди. Очқилки масъулиятни оширади, камчилик ёки кўзбўямачиликнинг олдини олади. Шу боис фармонда белгиланган вазифалардан ҳар қандай чекенишларга нисбатан муросасиз бўлишимиз талаб этилади.  
 Сўнгги икки ярим йилда давлатимиз раҳбари инсон ҳуқуқлари ҳимояси бўйича билдирган фикрлар жамланса, неча-неча китобга сигмайди. Суд-ҳуқуқ соҳасида амалга оширилган ишхотларнинг қиёсини топиш қийин. Ўн йиллар давомидан қилинмаган ишлар қисқа икки-уч йилда бажарилди. Энг асосийси, одамларни қийнаб, эзиб келган адолатсиз тартиб илдизига болта урилди. Унинг ўрнига инсон эрки, ҳуқуқи ва манфаатини чинакамига ҳимоя қиладиган тизим яратила бошланди. Инсон ҳуқуқи, ҳаёти ва тақдирига муносабат тамоман ўзгараётганини тобора кўпроқ кўришга мумкин бўлаёпмиз. Бугунги афв этиш ҳам инсонга кўрсатилган таъминлаш ва эътиборнинг ёрқин бир мисолидир.  
 Мамлақатимизда инсон эрки, ҳуқуқи, шаъни, қадри ҳимояси учун астойдил кураш кетаётган экан, журналист аҳли сукут сақлашга ёки бемақор бўлишга асло ҳаққи йўқ, деб ўйлайман.  
 Бунинг учун аввало англаб олайлик, улар бизга бегона эмас. Улар биздан айро холда яшамаган. Демак, улар жамиятнинг, бизнинг хатоларимиз... Бу хатоларни фақат биргаликда тузатиш мумкин.

**Сафар ОСТОНОВ,**  
 Ўзбекистонда хизмат кўрсатган журналист.

### ХУДУДИЙ ПАРТИЯ КЕНГАШЛАРИДА



Гулҳаё ва Маҳлиё Комилжоновалар саҳнага чиқиб, ўз маҳоратини тенгдошларига намоёиш этишни, устозларидан ўрганган рақс ва халфачиликнинг нозик сир-асрорларини қалб тугёнига қўшиб ижро этишни кўндан буюн ният қилган эди. Бугун икки қизнинг шу орзуси амалга ошадиган бўлди.  
 — Хива шаҳрида ташкил этилган форумда иштирок этаётганимдан жуда хурсандман, — дейди биз билан суҳбатда Урганч шаҳар 93-сонли ихтисослаштирилган мактаб-интернати ўқувчиси Гулҳаё Комилжонова. — Бизга имкон бераётганларга раҳмат айтаман.  
 Ўзбекистон ХДП Хоразм вилоят кенгаши томонидан «Эзгу гоядан — эзгу мақсад сари!» шiori остида ўтказилган «Беш ташаббус — беш имкон!» номли 5 йўналишни ўз ичига олган ёшлар форуми Гулҳаё ва Маҳлиёга ўхшаган истеъдодли ёшлар учун яна бир имконият эшигини очиб берди.  
 Маълумки, жорий йилнинг 19 март куни ёшларга эътиборни кўчатириш, уларни маданият, санъат, жисмоний тарбия ва спортга кенг жалб этиш, уларга ахборот технологияларидан фойдаланиш кўникмаларини синдириш, ёшлар ўртасида китобхонликни тарғиб қилиш ҳамда хотин-қизлар бандлигини ошириш масалаларига бағишланган видеоселектор йиғилиши ўтказилган. Унда Президентимиз ижтимоий, маънавий-маърифий соҳалардаги ишларни янги тизим асосида



ва нозик дид билан тўқилган буюмлар, мунчоқлардан ясалган гуллар намоёиш этилди ва иштирокчилар олқишига сазовор бўлди.  
 Шахмат ва шашка бўйича ўтказилган мусобақада ўнлаб ёшларнинг иштирок этиши ва спорт турининг нечоғли оммалашганидан далолат бериб турди. Шашка мусобақасида Янгибозор туманидан Жаҳмур Исмоилов, Урганч шаҳридан Одилбек Маткаримов, Гулран туманидан Озода Раҳмонова юқори ўринларни эгаллади. Шахматда эса Хива шаҳридан Гулсерав Отабаева, Хива туманидан Аброрбек Арлонов, Бекчандбой Фойибазоров пешқадам бўлишди.  
 Форумда иштирок этган стол теннис бўйича Ўзбекистон чемпиони Мафтуна Абдуллаева болаларга маҳорат дarsi ўти ҳамда ўз таасуротлари билан ўртоқлашди.  
 — Форум юқори шукуҳда, ўзгача кайфиятда ўтмоқда, — дейди у. — Болаларнинг хурсандлигини айтмайсизми? Мана шундай кўтаринки тадбирлар ёшларнинг янада юксак марраларни эгаллашига асос бўлиб хизмат қилади.  
 Ёшлар маънавиятини юксалтириш, улар ўртасида китобхонликни кенг тарғиб қилиш мақсадида «Китоблар ярмаркаси» ҳам ташкил қилинди. Шу хусусда форум қатнашчиси Ойжон Каримова ўз фикрларини билдирди.  
 — Китоб ўқишни жуда яхши кўраман, — дейди у. — Ёшларни китоб ўқишга қизиқтириш, улар орасида маънавий муҳитни янада яхшилашда китоб ярмаркаларининг аҳамияти катта. Бугун мўъжаз кутубхонам учун янги нашр этилган асарлардан харид қилдим. Оила аъзоларим учун ҳам совға олишни ўйламанман.  
 Форум давомида Хоразм вилоят Бандлик бош бошқармаси билан ҳамкорликда «Меҳнат ярмаркаси» ҳам ташкил этилди. Ярмарка давомида 13 та мурожаат бўлиб, уларнинг 3 нафарига шу куннинг ўзида мактабгача таълим муассасасига ишга қабул қилиш бўйича йўлнамалар берилди.  
 — Тадбирнинг Хива шаҳри марказида жойлашган «Нуруллабой» истироҳат бонди ўтказилиши катта аҳамиятга эга бўлди, дейди Раҳимбергван Юсупов.  
 Тадбир якунида фаол иштирокчиларга партиянинг фахрий ёрлиқ ва эсдалик совгалари тақдим этилди.  
 Ўзбекистон ХДП Бухоро вилоят кенгаши ҳам Бухоро шаҳридаги Ёшлар марказида бошта муҳим ташаббус ижросига бағишланган ёшлар форуми ўтказди.  
 Биринчи йўналиш бўйича «Истеъдод» шiuиси ташкил этилди. Унда ёшлар қизиққан йўналишларида истеъдодларини намоёиш қилди.



Шунингдек, форум доирасида имконияти чекланган болаларнинг ижодий ишлари кўргазмаси ташкил этилди. Кўргазмада иштирок этган ҳар бир ёшлар партия ташаккурномаси ва эсдалик совгалари топширилди.  
 Иккинчи йўналиш бўйича олий ўқув юртлири ҳамда маҳалла ёшлари иштирокида фаворалар хиебониди «Ореп айг» веломарафони, ногиронлиги бўлган ёшлар ўртасида эса «Умид йўлагини» номли спорт мусобақаси ҳам ўтказилди. Хотира турнири, енгил атлетика, якка курашлар ва миллий спорт турлари бўйича мусобақалар иштирокчиларда катта қизиқиш уйғотди. Мусобақа голиблари Ўзбекистон ХДП Бухоро вилоят кенгаши, ҳамкор ташкилотлар томонидан диплом ва эсдалик совгалари билан тақдирланди.  
 — Тадбирда қатнашганимдан хурсандман, — дейди «Умид йўлагини» спорт мусобақаси қатнашчиси, 1-гуруҳ ногирони Улмас Яҳёев. — Мусобақа ҳақида эшитиб, Олот туманидан етиб келдим. Янги дўстлар орттирдим. Тенгдошларимнинг спортда эришаётган ютуқларини кўриб қувондим. Мен ҳам келажақда паралимпиячилар сафиди катта мусобақаларда қатнашмоқчиман.  
 Аҳоли ва ёшларнинг компьютер технологиялари ва интернетдан самарали фойдаланиши учун «WiFi хона»лар ташкил этилди.  
 Туртинчи йўналиш бўйича Ўзбекистон ХДП Бухоро вилоят кенгаши биносида «BOOK ROOM» китоб хавонлари, махсус кўчма кутубхоналар ташкил этилди. Вилоятнинг чека худудларида китобхонлик кеналари ўтказилишига келишиб олинди. Китобхонлик кеналарида танилиқ ёзувчилар, шоирлар, актёрлар иштирокида бадий чиқарилган қилинадиган бўлди. Ёшлар орасида ўқиган китоблари бўйича «Билгимдон» танлови ўтказилди.  
 Форум доирасида вилоят бандликка кўмаклашувчиси раҳбарлари билан ҳамкорликда меҳнат ярмаркаси ташкил этилди. Унда ташкилотлар ўзларининг бўш иш ўринлари билан иштирок этди. Шунингдек, тадбиркорлиқни бошлаш ниятида бўлган хотин-қизларга дастлабки бизнес-лойиҳаларини ишлаб чиқишда кўмаклашилди. Чеварчилик, пазандчилик, сартарошлик бўйича ўқув курслари, ўқув ишлаб чиқариш мажмуалари билан ҳамкорлик алоқалари ўрнатилди. Шу йўналишлар бўйича касб-хунар эгаллашни истаган хотин-қизлар аниқланиб, уларга ушбу ўқув курсларида ўқишга йўлнамалар берилди.  
 — Умурбек БЕКТЕМИРОВ,  
 Ўзбекистон ХДП Марказий Кенгаши сектор мудири.

Судьянинг кўзи кўради, қулоғи эшитида, унинг ҳам юраги бор, чунки у ҳам инсон.

# Бола кўнгли ўксимасин

## ёки «Онажонимнинг озодликка чиқиши...» мақоласини ўқиб...

### МУНОСАБАТ

«Ўзбекистон овози» газетасида Тошкент вилояти Загиота туманида жойлашган жазони ижро этиш аёллар муассасаси ва манзил колониясидан озод этилган бир гуруҳ аёлларнинг озодликка чиқарилиши ҳақидаги «Онажонимнинг озодликка чиқиши...» сарлавҳали таҳлилий мақоладан она сифатида жуда таъсирландим.

Муаллиф Президентимиз Шавкат Мирзиёев раҳбарлигида юртимизда хотин-қизларнинг ҳуқуқ ва манфаатларини ҳимоя қилиш йўлида амалга оширилаётган кенг қўламли ислоҳотлар тўғрисида атрофлича тўхталар экан, 2018 йилда жиноят содир этган ва ҳуқуқбузарликка қўл урган 893 нафар хотин-қиз Хотин-қизлар қўмитаси томонидан кафилиликка олиниб, жазодан озод этилгани, 113 нафар судланувчига нисбатан озодликдан маҳрум қилиш билан боғлиқ бўлмаган жазо тайинлангани, жазо муддатини ўтаётган 597 нафар аёл жазони ўташдан муддатдан илгари шартли озод қилингани, 100 нафар аёлнинг жазоси енгилроғи билан алмаштирилганини қайд этиб ўтади. Бироқ, қонунчилигимизда инсон омилига ҳар доим ҳам одамлиқ нукта назардан ёндрилмаётганлиги, онага жазо тайинлашда унинг ортидаги норасидаларнинг кўз ёши инобатта олимаётганлиги ҳақида қўнқоқлик билан фикр юритилиб, бу хатти-ҳаракатлар янада мудҳишроқ оқибатларни келтириб чиқариши мумкинлиги ҳақида бонг урилган.

Ҳақиқатан ҳам, аёл адашиб жиноят қўчасига кириб қолди, дейлик. Унга жазо муқаррар. Аслида теғараси текис аёл ҳеч қачон жиноят йўлига кирмаслиги, уни бу йўлга турмушнинг минг битта мушталари мажбур қилиши кўпчиликти маълум. Тўғри, жиноятчи аёллар орасида мафқураси бузуқ, ахлоқи издан чиққанлари ҳам бор. Бироқ аксарият аёллар билиб-билмай ёки иктымол муаммо гирдобиди



Раззоқ Охун катта отам дундан ўтганларида онам таомилимизга кўра, йигирма кун ота уйда бўлган. Биз болалар учун ўша кунлар оғир кечгани эсимда. У пайтлар мобил телефонлар йўқ, йўл узок, қачон келишлари номаълум. Ҳар кеч соат бешда беш бола уйимизнинг деразасидан автобус тўхтайдиган бекатга термулиб ўтираддик. Соат олтигача кўзларимизни бир нуқтадан олмай, автобусдан тушаётган одамлар орасидан онамни қидираддик. Автобус юриб кетган, укаларимнинг кўзлари мултираб-мултираб деразадан узоқлашишарди. Кечаси билан ичимизни ит таталаб, бутун дунёмиз қоронғу бўлиб, тезроқ тоғ отишини сабрсизлик билан кутардик...  
Тошкентга малака оширишга бориб келганимдан сўнг ён қўшимиз Соёя опа 7-8 ёшли қизим дадаси ёнида бўлишига қармай, жуда қийналганини айтиб берганда, ичим ззилиб

### БИЛАСИЗМИ?

#### КИМЛАР

протез-ортопедия буюмлари ва реабилитация техник воситалари билан бепул таъминланиш ҳуқуқига эга?



Қуйидаги шахслар протез-ортопедия буюмлари, реабилитация техник воситалари ва кресло-арава-чалар билан бепул таъминланиш ҳуқуқига эга:  
— пенсия ёшидаги муҳтож шахслар;  
— 16 ёшга бўлган ногиронлиги бор болалар;  
— 16 ёшдаги ва ундан катта ёшдаги ногиронлиги бўлган шахслар.

### ЙЎЛ-ПАТРУЛЬ

ХИЗМАТИ ХОДИМИНИ аудио, фото ва видео қурилмаларидан фойдаланиб овозини ёзиб олиш ёки тасвирга олиш мумкинми?



Йўл ҳаракати қатнашчилари йўл-патруль хизмати ходими билан ўзаро муносабатини ўзига тегишли аудио, фото ва видео қурилмага қайд қилиш ҳуқуқига эга.

Йўл-патруль хизмати ходимининг фото ва видео тасвирга олиш тақиқланган белги мавжуд ҳудудларда хизмат олиб бориш ҳолатлари бундан мустасно.

### ИНТИЗОМИЙ ЖАЗОНИНГ

амал қилиш муддати қанча?



Салима ХОЛДОРОВА, Навоий кон-металлургия комбинати музейи раҳбари.

Интизомий жазонинг амал қилиш муддати жазо қўлланилган кундан бошлаб бир йилдан ошиб кетиши мумкин эмас. Агар ҳодим шу муддат ичида яна интизомий жазога тортилмасан, у интизомий жазо олманган, деб ҳисобланади.

Интизомий жазони қўллаган иш беришчи ўз ташаббуси билан, ҳодимнинг илтимосига биноан, меҳнат жамоаси ёки ҳодимнинг бевосита раҳбари илтимосномасига кўра, жазони бир йил ўтмасдан олдин ҳам олиб ташлашга ҳақли.

### ЧЕТ ЭЛДА ЎҚИШ ДАВРИ

пенсия тайинлашда иш стажига қўшиб ҳисобланади



Фуқароларнинг олий таълим муассасаларида, стажёр-тадқиқотчи-изланувчилар институтида, катта илмий ходим-изланувчилар институтида, таянч докторантурада, докторантурада ва клиник ординатурада кундузги ўқиш даври, шу жумладан, чет элда ўқиш даври пенсия тайинлашда иш стажига қўшиб ҳисобланади.

Маъзур даврлар фуқароларнинг умумий иш стажига қўшиб ҳисобланади.

Ноғирон бўлиб қолган шахслар стажига эса ушбу даврлар иш стажига муддатидан қатъи назар қўшилади.

### ТУГИЛИШНИ ҚАЙД ЭТИШ

бир ой муддат ичида амалга оширилиши лозим



Болаларнинг туғилишини қайд этиш мажбурий бўлиб, болалар туғилган жойдаги ёки ота-онадан бирининг доимий яшаш жойидаги фуқаролик ҳолати далолатномаларини ёзиш органида бир ой муддат ичида амалга оширилиши лозим.

Боланинг туғилиш унинг туғилганлиги ҳақидаги тиббий маълумотнома, ота-онанинг оилавий ҳолати ва шахсини тасдиқловчи ҳужжатлар асосида қайд этилади.

Адлия вазирлигининг телеграмдаги «Huquqiy axborot» канали

# ЭНДОУРОЛОГИЯ НИМА?

## Мазкур йўналишда замонавий техникалардан фойдаланиш борасида қандай ишлар амалга оширилмоқда?



Асимбек ФАЙУЛЛАЕВ, Тошкент врачлар малакасини ошириш институти урология ҳамда андрология кафедраси mudiri, тиббиёт фанлари доктори, профессор:

— Бир неча йиллардан бери институти-миз бошчилигида бир қатор ташкилотлар билан ҳамкорликда урологиянинг долзарб муаммоларига бағишланган анжуманлар ўтказиб келамиз. Шу каби тадбирларимизнинг навбатдагиси сийдиктош касаллиги, простата бези хавфсиз гиперплазияси билан оғриган беморларда эндоурологик камжароҳатлик операциялар ўтказиш ҳамда урологик касалликларни лапароскопик операциялар ёрдамида даволаш масалаларига бағишланади. Сабаби, ҳозирги кунда ушбу ҳолатни амалиётда қўллаш Ўзбекистон учун энг долзарб иш бўлиб турибди. Халқаро конференция 14-15 июнь кунлари Қашқадарё вилоятининг Шахрисабз шаҳридаги Саломатлик академияси хусусий клиникасида ўтказилади.

Анжуманда Буюк Британия, Россия, Покистон, Туркия, Хитой, Хиндистон, Вьетнам ва бошқа мамлакатлардан урология соҳасида дунё бўйича кўзга кўринган олимлар иштирок этади. Тадбир давомида U-Merge ва Тошкент врачлар малакасини ошириш институти ўрасида ўзаро ҳамкорлик бўйича Меморандум имзоланади. Ушбу ташкилотнинг мутахассислари эндоурологикнинг долзарб масалалари бўйича маъруза ўқийди. Бундан ташқари, хорижлик ва маҳаллий шифокорлар биргаликда Саломатлик академияси клиникасида 10 та мураккаб эндоурологик операцияни бажариб, маҳорат дарсларини ўтказишади.

Анжуман қатнашчилари ушбу операцияларни экран орқали тўғридан-тўғри кузатиб борадилар ва керак бўлса, жарроҳларга ва модераторларга саволлар билан муражат қилишлари мумкин. Ёш докторлар ичкарида бўлаётган воқеаларни худди операция хонасида бўлгандек кўриб ҳис қила олиши учун шароит яратилган.

Ушбу клиникада мен ҳам операция ўтказганман. Шунингдек, Ўзбекистондаги бошқа клиникаларда ҳам доцент Назир Алижонов каби етакчи шифокорлар бир неча мураккаб операцияларда иштирок этишди. Маҳаллий докторлар ҳам ҳозирда барча йўналишлар бўйича эндоурологик операцияларни ўзлари удалашмоқда. Урология соҳаси бўйича

Китоб туманида қилинаётган даволаш ишлари мажмуаси Тошкент шаҳрида қилинаётган ишлар билан тенг, десак хато бўлмайдди. Ўз ўрнида Тошкент шаҳридаги даволаш ишларининг мажмуаси етакчи хорижий давлатларда кўрсатилаётган тиббий хизматлар билан деярли бир хил даражада. Баъзи бир ноёб, ниҳоятда камёб асбоб-ускуналаримиз бўлмаганлиги ҳисобига бироқ тафовут бўлиши мумкин. Лекин умумий олганда катта фарқ йўқ.

Эндоурология дейилганда фақатгина буйракдаги тошларни тушуниб қолманг, унинг ичига простата безини хавфсиз гиперплазияси деган касалликлар ҳам кириб кетади. Охириги вақтда дунё таърибасида бу соҳага ҳам янгиликлар кириб келди, лазер усули билан даволаш йўлга қўйилган. Ўзбекистонда ҳам бу усул амалиётда қўлланила бошланди. Тадбир вақти шифокорларимизга лазер орқали операция қилиш жараёнини ҳам кўрсатиб берамиз.

Лапароскопик даволашлар эндоурологик даволашлар қаторига киради. Бунда катта кесма қилмасдан организмда учта кичкина кесма қилиб, қорин ёки қорин орти пардаси бўшлиғи орқали ички аъзоларга кириб, буйракдаги операциялар амалга оширилади. Ўзбекистондаги кўп клиникаларда аъъанавий катта кесма билан қилинадиган операциялардан босқичма-босқич лапароскопик операцияларга ўтилмоқда. Мазкур ҳолат урологиянинг ниҳоятда тез шиддат билан ривожланиб келаётган йўналишларидан бирига айланмоқда.

Бу ишларни оддий мисол билан тушунтирадиган бўлсам, бемор шифохонага келди, белидан кесдик, тошни олди, тошни олгандан кейин буйракни жойига қўйдик, уни тикиб чиқарди, кесма билан яра неча кунда битади? Шифохонадан чиқиш учун 10 кун керак. Икки ойда бемор ишга боришга мойил бўлади, 3 ойда яра битади. Шунингдек, кесма бўлгандан сўнг баъзи бир одамлар соғлигини йўқотиши мумкин. Ноғиронлик ҳам олиш эҳтимоли йўқ эмас. Бу даврда бемор қанча маблаг, вақт кетказадими? Эндоурологик даволайдиган бўлсак, бемор 3 кунда уйига чиқиш кетади. Бозорда юк ташувчи бўлмайди, 5 кундан кейин ишга яроқли бўлади. Бундан қанча нарса ютылапти? Бу дард билан оғриганлар сони қанча? Давлатнинг пулини сақлаб қолайми? Бу битта тош хасталиги, бошқа касалликларда ҳам худди шундай жараён кетмоқда.

Халқаро конференцияни Қашқадарёда ўтказишимизнинг биринчи сабаби, мазкур ютуқларни мамлакатимиздаги урологларга кўрсатиш ва тарғибот қилишдир. Эндоурологиянинг ривожланаётганлигини, шу соҳани яхши тушунаётган, билмаётган докторларимиз ҳам кўрсин, билсин, тушунсин, шунга интилсин. Чунки эртанги кунимиз эндоурологияга боғлиқ бўлиб турибди. Дунё мамлакатларида 100 фоиз беморларнинг 97-98 фоизи эндоурологик, эндооскопик замонавий кам жароҳатлик йўли билан операция қилинади. Узоғи билан 5



ТИББИЁТДА ИННОВАЦИЯ

фоизи аъъанавий операциялар ҳисобига тўғри келади. Тўғри, доим аъъанавий тарзда қилинадиган операциялар бор. Ташқарида бўлган аъъо учун, ваарикоселле, уретра торайиши ва бошқа шу каби муолажаларда эндооскоп ишлатишининг кераги йўқ. Лекин бу ерда одам танасининг ичкарида бўладиган операциялар тўғрисида гап кетмоқда.

Анжуманда ҳар бир докторда хорижлик ҳамкасблари билан гаплашиш, улар билан танишиш имконияти бўлади. Албатта, бу йўналишда яхши мутахассислар фақат чет элда эмас, балки, бизда ҳам дунё тан олган шифокорларимиз бор, улар ҳам шу жараёнда замонавий усуллар билан қатнашади. Керак бўлса, хорижлик олимларининг ўзи юртдошларимизни клиникаларига ўқишга ёки ишга чақирсин. Ёки Тошкент врачлар малакасини ошириш институти орқали U-Mergeнинг гуруҳига аъъо бўлиб, унинг дарсларида қатнашиши мумкин. Бизнинг энг катта ютуғимиз U-Merge дарсларини Ўзбекистонда ўтказётганимиздир. Мазкур дарснинг биринчиси Шахрисабзда бўлиб ўтадиган бўлса, шу йилда бошқа вилоятларда ҳам U-Merge мутахассислари билан ҳамкорликда бир неча дарсларни ташкил қилишимиз мумкин.

Шу вақтга қадар Ўзбекистонда тиббиётнинг бошқа йўналишларида ушбу ишлар йўлга қўйилган бўлиши мумкин. Лекин эндоурология соҳасида биринчи марта қилинмоқда. Бу биз учун жуда ҳам керак. Чунки ҳозирги кунда, Ўзбекистонда кўпгина хусусий клиникалар очилмоқда ва уларда эндоурологик операциялар амалга оширилади

«Ўзбекистон овози» мухбири Шаҳбоз САИДОВ ёзиб олди.



Бош прокурор ўринбосари Самарқанд шаҳар прокуратураси ходимларига танбеҳ бердимиз?

ЖАҲОН ЧЕМПИОНЛИГИ КАМАРИГА ЙЎЛ



Профессионал боксчимиз Исроил Мадримов профессионал рингдаги учинчи жангини ўтказди. Нью-Йоркдаги мухташам «Мэдисон Сквер Гарден» аренасида бўлиб ўтган ва 10 раундга мўлжалланган жангда ҳамюртимиз мексикалик Норберто Гонсалесдан ўзининг WBA Intercontinental

чемпионлик камарини ҳимоя қилди. Исроилнинг кетма-кет кучли зарбаларидан сўнг ҳакам 6-раундда жангни тўхтатди ва ҳамюртимиз профессионал боксдаги учинчи галабасига эришди.

— Барчага раҳмат, рақибим кучли ва чидамли эди, — дейди Исроил Мадримов. — Нокаут чиройли бўлди. Рақибни кўп бора йиқитишга ҳаракат қилдим, бироқ унинг йиқилиши қийин бўлди. Бундай зарбалар устида узоқ вақт ишлагандим ва бу яқунда нокаутга сабаб бўлди. Мен доимо чемпионлик жангига тайёрман.

Бу борада промоутери Эдди Хирн ҳам Исроил Мадримовнинг ҳозироқ жаҳон чемпионлиги камари учун жангга тайёрлигини билдирди.

— Ҳақиқатан ҳам, узоғи билан иккита ёки битта жангдан сўнг чемпионлик жангини ўтказишга жуда яқин келади, — дейди бокс ишқибози Дилшод Солиҳов. — Кечаги жангдан сўнг Исроилнинг дунёдаги энг кучли промоутерлардан бири Эдди Хирн билан 1 дақиқадан ортироқ гаплашиб туриши ҳамда у интервью бериб рингдан чиқиб кетмагунча Эдди Хирннинг рингда кутиб туриши унинг ҳамма мижозларига ҳам насиб қилмаган. Хирн

бокс-чимизга жуда ишонапти. Яқин келажакда Исроил WBO камари учун мексикалик жаҳон чемпионига қарши жанг қилишига умид қилиши мумкинлиги айтилмоқда.

Ўз мухбиримиз.

БУГУНГИ ТАЛАБ БОШҚАЧА

«Ўзбекистон овози» газетасининг 2019 йил 8 январь сонида «Адолат посангиси бузилса» сарлавҳали танқидий мақола чоп этилган эди.

Мақолада Самарқанд шаҳрининг собиқ ҳокими А.Шукуров томонидан Самарқанд шаҳри Гагарин кўчасидаги 128-уйни бузиш ва ўрнига замонавий турар-жой куриш учун уни «Гарант курилиш сервис» МЧЖга бериш тўғрисида 2015 ва 2016 йилда чиқарилган қарорлари ҳақида сўз боради. Орадан қарийб 6 ой ўтган бўлишига қарамай, собиқ шаҳар ҳокимининг амалдаги қонунларга эид равишда қабул қилган бу қарорнинг қонунийлик ёки ноқонунийлик даражасига баҳо бериш, протест келтириш масаласи суд-ҳуқуқ идоралари томонидан ҳанузгача пайсалга солиб келинмоқда.


Самарқанд шаҳрида кўп қаватли уй-жой курилишларига ноқонуний тарзда ер ажратиш натижасида кимларнинг жиноий жавобгарликка тортилганидан ҳаммаимиз хабардоримиз. Лекин шунга қарамай, бу тарихий масканда уй-жойлар курилишида халқаро шаҳарсозлик қоидаларига риоя қилинмагани туфайли уларнинг баъзи бирларини бузиш ҳақида суд қарорлари қабул қилинганидан ҳам хабаримиз бор.

Самарқанд шаҳри, Гагарин кўчаси, 128-манзилда жойлашган 5 қаватли бинонинг уч қаватини 2006 йилда сотиб олган, 2007 йилнинг 7 мартда Самарқанд шаҳар ҳокимининг «Бинога эгалик ҳуқуқини тасдиқлаш тўғрисида»ги қарорига эга бўлган тадбиркор Жамшид Шомуродов қонунсизлик ва адолатсизлик гирдобиди қолди.

Бино мажбурий тарзда бузилиб, «замонавий турар-жой куриш» баҳонасида унинг ер майдони «Гарант курилиш сервис» МЧЖга «тортик» қилинди. Зўравонликка қонуний тус берилди.

Самарқанд шаҳар прокуратураси

Бир-бирига ўхшаш «ЭГИЗАК» жавоблар замони ўтмадими?



эса бу борада шаҳар ҳокими қарорига қонун доирасида баҳо бериш ўрнига, уни қайд этишдан нарига ўтмаяпти.

Мамлакатнинг гуллаб-яшнаши, ривожланиши тадбиркорлар фаолияти билан боғлиқлиги дунё тажрибасидан маълум. Президентимиз Шавкат Мирзиёев бу ҳақда кўп гапиряпти, тадбиркорларни қўллаб-қувватлаштириш, уларга тўсиқ бўлаётган барча говларни бартараф қилишга қаратилган муҳим қарорлар қабул қилаяпти. Лекин бу борада урта бўғин раҳбарларининг тушунчасини, дунёқарашини ўзгартириш қийинлик билан кечаётганини ҳаётнинг ўзи кўрсатиб турибди.

Тадбиркорликка таъма аралашса, зиддиятлар кўпаяди, тўсиқ қўйилса, тараққиёт тўхтайдиган, инвесторлар бундай жамятда ўз бизнесини юритишга ишончли кафолат ололмайди. Ривожланишни истар эканмиз, бирдан-бир йўлимиз — қонунларга риоя қилиш, тадбиркорларга кенг йўл очиш.

Тадбиркорлик фаолияти тўхтаб қолган Жамшид Шомуродов ҳақиқат излаб сарсон-саргардон бўлиб юрган бир пайда «Гарант курилиш сервис» корхонаси Ўзбекистон Республикасининг амалдаги қонунда

белгиланган талабларга риоя қилмасдан, ушбу манзилдаги турар ва нотурар уй-жойларни мулкдор Ж.Шомуродовнинг розилигисиз қонунга хилоф равишда бузганидан ташқари, бу ерда курилиш ишларини давом эттиряпти, кўп қаватли уйнинг биринчи қаватига устунлар ўрнатилди...

Қонун бўйича «Гарант курилиш сервис» МЧЖ раҳбари кўп қаватли турар-жой эгаларидан уй-жойларини тўлиқ сотиб олганидан кейин, агар уй-жой соҳиблари шу манзилда замонавий уй-жой куришга қурби етмаслигига ҳокимиятга тақдир келтириши ва қурби чиқилиши лозим эди. Ҳолбуки, Жамшид Шомуродов бу галва бошланмасидан илгари шаҳар ҳокимлигига бориб, бузиладиган эски бино ўрнига талаб даражасидаги уй-жой курилишига қурби ҳам, маблағи ҳам етарли эканини кўп марта баҳолаб олган ва эъза тарзда билдирган эди. Лекин унинг бу ёзишмалари жавобсиз қолиб кетди, руҳсат ҳам берилмади.

Ижро ҳокимияти томонидан чиқарилаётган қарорларнинг қонунийлигини назорат этувчи шаҳар прокурату-

раси шу ҳолат бўйича Самарқанд шаҳар ҳокимининг юқорида келтирилган, яъни 2015 йилнинг 27 ноябрида ва 2016 йилнинг 19 декабрида қонунга эид равишда қабул қилган қарорларига протест келтириш ўрнига уни қўллаб-қувватлади, бундан тадбиркор жабр кўрди. Аслида, бу масала ҳолис кўрилганида, қонун устуворлиги таъминланиб, можарога нуқта қўйилган бўлар эди.

Гарчанд қонунларимизда ҳар бир тадбиркорнинг хусусий мулки давлат ҳимоясида ва дахлсиз эканлиги кўрсатилган бўлса-да, Жамшид Шомуродовнинг бу борада қилган мууроатларига «Шаҳар прокуратураси томонидан...» деб бошланадиган бир хил мазмундаги, ҳатто нуқта-вергули ҳам ўзгартириш қолдирилган жавоблар келиши давом этмоқда.

Яқинда Бош прокуратура мутасаддилари томонидан Самарқанд шаҳрида ўтказилган сайёр қабулда тадбиркорларга тўсиқ бўлаётган масалалар муҳокама қилинди, уларнинг кўпчилиги шу ернинг ўзида ечим топилди. Жамшид Шомуродов ҳам «Самарқанд шаҳар прокуратураси томонидан...» деб бошланадиган бир даста жавоб хатларини кўтариб келди.

Бош прокурор ўринбосари Эркин Йўлдошев ўтган 6 ойнинг турли саналарида шаҳар прокуратурининг имзоси билан жўнатилган бир қилибдаги жавоблар билан танишиб, шаҳар прокуратураси мутасаддиларга танбеҳ берди ва белгиланган муддатда бу масалани қайтадан кўриб чиқиш, қонун доирасида ҳал қилиш вазифасини қатъий қўйди. Ишнинг бариши жарайни назоратта олинадиган бўлди.

Нурulloҳ ДОСТОН, «Ўзбекистон овози» мухбири.

РЕКЛАМА ВА ЭЪЛОНЛАР

**EMMM**

**ЎЗБЕКISTON RESPУБЛИКАСИ АҲОЛИСИ ВА МЕХМОНЛАРИ ДИҚҚАТИГА!**

ЎЗБЕКISTON RESPУБЛИКАСИНING АМАЛДАГИ ҚОНУНЧИЛИГИГА МУВОФИҚ, ЎЗБЕКISTON RESPУБЛИКАСИ АХБОРОТ ТЕХНОЛОГИЯЛАРИ ВА КОММУНИКАЦИЯЛАРИНИ РИВОЖЛАНТИРИШ ВАЗИРЛИГИ «ЭЛЕКТРОМАГНИТ МОСЛАШУВ МАРКАЗИ» ДАВЛАТ УНИТАР ҚОРХОНАСИ ОГОҲЛАНТИРАДИ:

Республика ҳудудига рухсатномасиз ва сертификатсиз олиб кирилган ҳамда сотувда бўлган ишлатилаётган радиоэлектрон алоқа воситалари (узоқ масофали радиоузаитиргичлар, радиостанциялар ва бошқа радиоузаитгич воситалари) ўрнатилган тартибда мусодара қилинади ва уларни олиб киришни амалга оширган шахсларга нисбатан маъмурий жавобгарлик чоралари кўрилади.

Радиоэлектрон алоқа воситаларини республика ҳудудига олиб кириш учун рухсатнома олиш ва ўрнатилган тартибда рўйхатдан ўтказишни расмийлаштириш масалалари бўйича «Электромагнит мослашув маркази» ва унинг вилоят бўлималарига муурожаат қилинг.

**Бизнинг манзиллар:**

<b>Тошкент шаҳри,</b> Фарғона йўли кўчаси, 15-уй, телефон: (71) 202-61-69.	<b>Наманган шаҳри,</b> Марғилон кўчаси, 8-«А» уй, 2-корпус, 54-хона, телефон: (71) 230-64-72.
<b>Андижон шаҳри,</b> Истиклол кўчаси, 33-уй, телефон: (71) 230-64-65.	<b>Самарқанд шаҳри,</b> Сельский, Колбоғ, Радио шаҳарча, телефон: (71) 230-64-80.
<b>Бухоро шаҳри,</b> академик И. Мўминов кўчаси, 2-уй, телефон: (71) 230-64-66.	<b>Термиз шаҳри,</b> Ат-Термизий кўчаси, 28-уй, телефон: (71) 230-64-79.
<b>Жиззах шаҳри,</b> Ш.Рашидов кўчаси, 46-уй, телефон: (71) 230-64-68.	<b>Гулистон шаҳри,</b> Мустақиллик кўчаси, 54-уй, телефон: (71) 230-64-67.
<b>Нукус шаҳри,</b> Ерназар Алақўз кўчаси, ШАТС биноси, телефон: (71) 230-64-75.	<b>Фарғона шаҳри,</b> Б.Марғилоний кўчаси, 30-уй, телефон: (71) 230-64-74.
<b>Қарши шаҳри,</b> Мустақиллик кўчаси, 21-уй, телефон: (71) 230-64-78.	<b>Урганч шаҳри,</b> Ал-Хоразмий кўчаси, 108-уй, 23-хона, телефон: (71) 230-64-77.
<b>Навоий шаҳри,</b> Амир Темур кўчаси, 4-уй, телефон: (71) 230-64-69.	

**ЗАВОД «KRANTAS»**

производит и реализует под заказ:

**ГАРАНТИЯ 1 ГОД**

- ▶ Бензовозы — 4, 8, 10, 12, 16 м3.
- ▶ Водовозы — 4, 8, 12 м3.
- ▶ Вахтовые автобусы 4x4 — 22 мест, 6x6 — 26 мест.
- ▶ Комбинированные поливомоечные машины — 4, 8 м3.
- ▶ Кислотовозы — 6, 8, 10 м3.
- ▶ Автогудронаторы — 6, 8 м3.
- ▶ Полуприцепы: бензовоз, самосвальный, бортовой, контейнеровоз.

Адрес: Республика Узбекистан, г. Ташкент. Тел./факс: (+99871) 262-97-78, (+99871) 262-23-61. Моб.: (+99890) 188-15-33, (+99890) 187-52-05. E-mail: cst2008@mail.ru Web-site: www.avtokran.uz, www.krantas.uz

Товары сертифицированы.

**O'ZBEKISTON OVOZI**

**МУАССИС:** Bosh muharrir: Safar OSTONOV

**ТАХРИР НАҲ'АТИ:**

Ulug'bek INOYATOV	Qalandar ABDURAHMONOV	Farrux HAMROYEV
Ulug'bek VAYFOYEV	Saidkamol XODJAYEV	(Bosh muharrir birinchi o'rinbosari)
Mahmud TOIR	Muslihiddin MUHIDDINOV	To'lg'in TO'RAKONOV
	Shuhrat JALILOV	(Bosh muharrir o'rinbosari)

**Qabulxona** — (71)233-65-45  
**Xatlar va murojaatlar uchun** — (71)233-12-56  
**Reklama va e'lonlar uchun** — (71)233-47-80, (71)233-38-55  
**E-mail:** info@uzbekistonovozi.uz

**MANZILIMIZ:** 100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi bosmaxonasida chop etildi.  
 Korxonaning manzili: Buyuk Turon ko'chasi, 41-uy.  
 Gazeta ofset usulida, A-2 formatida bosildi.  
 Hajmi — 4 bosma taboq.

Gazeta haftaning seshanba kuni chiqadi.  
 «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 651. 4391 nusxada bosildi. Nashr ko'rsatkichi — 220.  
 t — Tijorat materiallari O'za yakuni — 23:30.  
 Topshirilgan vaqti — 02:25.  
 Sotuvda kelishilgan narxda

Navbatchi: Nurullo OSTONOV Sahifalovchi-dasturchi: Zafar BAKIROV

ISSN 2010-7633

Газетанинг электрон саҳифасига ўтиш учун QR-кодини телефонингиз орқали сканер қилинг.

1 2 3 5 6